

Transkription von Testament HST 1377b

Ort, Datierung: Stralsund, 1377-06-19

Signatur: Stadtarchiv Hansestadt Stralsund, Test 1, Nr. 0368 [\[online\]](#)

Inhalt: Hylle Langedorpeche: Testament

De vntfagh(er)e desses testame(n)t(es) sint de erliken lude raetheren her borchart

plotze vnde her arnt van zagat de dar / zundergrien to ghe sant sint van deme rade

In godes name(n) amen ik hylle langedorpeche wolmechtich mynes synes vnde myner reddelicheit
Wyl god so dcrike ik / gan tho hylgensteden ys dat ik st(er)ue indeme weghe so schykke ik myn
testame(n)te al dus Tho deme ersten male be=/uele ik myne sel deme almeychtchen gode . Vort mer be
ken(n)e ik dat ik sculdich bin symone de myn knape heft ghe wese(n) / . xxvi . mark su(n)discher
pen(n)ye vort mer bertelt smyter . xx . m(a)rc . vort mer iacob bardes husfruen . xxxi m(a)rc vort mer
iacob / myme kapen nu is . x . m(a)rc vor mer ghesen panel husfruen . ix . m(a)rc vort mer gheue ik her
reyner wint(er) myne bru/panne vnde myn grote bekke(n) vn(de) myn hanwat vor mer gheseke
klacke(n) . x . mark vn(de) ene ku vn(de) i bedde vn(de) myne(n) gelen / sorkedde(n) vn(de) myne(n)
scharlake(ne)s roch myt don spanghen vort mer geue ik katherineke(n) dep(e)nbruch es dothere(n) ¹
myn beste / bedde vn(de) myne(n) scarlake(ne)s hoyke(n) vn(de) myn sorkedde van scarlake(n) vn(de)
de span en tu deme hoyke(n) syn . vort mer hinric / honeschon . iiij m(a)rc vort mer pauels kinderen ij
m(a)rc vort mer woltschen tu tribezis de in deme hilghe(n) geiste hus . ij . / m(a)rc . vort mer bellmes
husfruen . ij . m(a)rc vn(de) myne(n) rode(n) hoyke(n) . vort mer sprute(n) kinde(re)n tu demyn iiij
m(a)rc vort / mer der houet / keyrke(n) tu trubezis . ij . m(a)rc . hyr tu vnser wruen iiij . m(a)rc . vort
mer merte(n)s van der sal siner husfrue(n) / . iii . m(a)rc dar scal se mede gan tu deme golme vn(de)
myne hergeste sorkedde . vort mer krukowesche(n) en par irscher kleder/mit den spange(n) . vort mer
tu sunte iurien den seken ene halfe last beres . vort mer den seken tu sunte gerthrut . j . tune(n) beres /
tu pantelisse den seke . viij scillinghe . vort mer merten wogelsanghe . i . bedde vn(de) . j . houet pale
vn(de) . j dekene . Jacobe myme/ kneyte . i . m(a)rc vort mer der maget . i . m(a)rc cilken ener wilgen
arme(n) . i . m(a)rc vort mer deme sulue(n) merten vogelsa(n)ghe / gropen vnde kanne(n) vn(de)
tunne(n) scotele(n) vort mer iohan(n)es brusser(e) kinde(re)n iiij m(a)rc vort mer born brus den wur
scape(n) vn(de) . i . / grote(n) grope(n) . joh(ann)es stremelawen iiij m(a)rc vn(de) . i . bedde vn(de)
myne beste dekene taleke loueschen vort mer scal me senden . j . / tu rome vn(de) . j . tu aken . j . tu
deme golme van aldeme gude dat dar ouer blift dat ich vor geuen hebbe vente id is myn / vune(n) ghut
dat wet got wol vor bidde ich dar vmme nyn myne(n) herfname(n) hir vedere tu Spreke(n)de vedder.
dith testame(n)t / vn(de) wil dat stede vn(de) vast hebbe(n) also lange vont ick dat vedder breke Thut
vormu(n)de(re)n desses testam(en)t(es) keze ick erlyke(n) lude / wilke(n) winter wilke(n)
depe(n)bruch iacob van bart han(n)es stremelawen borghe(re) tu deme su(n)de dit is ghe screue(n) na
godes bort / m ccc . Ixvii iar des vridages vor sunte ioha(nn)es dage . tu deme su(n)de amen /

¹ Schreibfehler: ***h*** und ***t*** vertauscht: ***dochtere(n)***